

Pembangunan usaha kecil sentiasa dikaji

U.M. 24 NOV 1978

KERAJAAN Malaysia sentiasa mengkaji rancangannya bagi pembangunan perusahaan-perusahaan kecil guna memastikan pelaksanaan yang lebih berkesan kata Datuk Sri Dr. Mahathir Mohamad di sini hari ini.

Dalam hubungan itu, kerajaan buat masa ini sedang meninjau dua kemungkinan untuk memastikan manakah yang paling baik untuk memenuhi hasrat peniaga-peniaga kecil di Malaysia, katanya.

Kemungkinan-kemungkinan itu ialah penubuhan agensi tunggal bagi menguruskan galakan dan pembangunan sektor-sektor perusahaan kecil ataupun memperbesar serta memperkukuhkan

SINGAPURA 23 NOVEMBER

lagi majlis penyelarasan yang ada sekarang untuk tujuan itu.

Timbalan Perdana Menteri menyatakan demikian ketika berucap mengenai 'perusahaan-perusahaan kecil dalam konteks Malaysia' di seminar empat hari mengenai peranan industri-industri kecil dalam ekonomi ASEAN, anjuran Consul Asia Private Limited yang berakhir malam ini.

Lebih 100 orang peserta dari negara-negara ASEAN termasuk 40 orang dari Malaysia menghadiri seminar itu.

Ketika menggariskan beberapa kejayaan yang telah dicapai oleh

majlis yang ada sekarang, Datuk Sri Dr. Mahathir yang juga Menteri Perdagangan dan Perindustrian berkata, satu projek mengenai pusat pemindahan teknologi sedang dilaksanakan dengan kerjasama sebuah syarikat perunding dari Jerman.

"Ekoran dari kajian kesesuaian yang dijalankan, kerajaan telah bersetuju menubuhkan sebuah majlis penyelarasan bagi pemindahan teknologi," tambahnya.

Katanya, menurut bancian industri pembuatan, bilangan perusahaan kecil yang didasarkan kepada 24 orang pekerja dan kurang ialah kira-kira 8,900 buah dari jumlah 11,060 yang tertubuh di Malaysia.

Perusahaan-perusahaan kecil tersebut telah menyumbangkan kira-kira \$219 dari \$2,327 juta dari segi tambahan nilai, mempunyai bilangan pekerja 35,000 dari 269,000 orang dan memperoleh \$865 juta dari \$7,678 juta dalam segi jualan kasar.

Dari segi peratusan pula, walaupun perusahaan-perusahaan kecil membentuk 80 peratus dari jumlah perusahaan yang ditubuhkan, sumbangannya dari segi ekonomi ialah hanya 9.4 peratus dan dari segi pekerjaan pula 11.2 peratus sahaja.

Datuk Sri Dr. Mahathir menisfatkan sumbangan itu sebagai wajar memandangkan modal yang terlibat adalah kurang 10 peratus dari jumlah seluruhnya.

Kerajaan Malaysia, katanya, mengakui tentang peranan penting yang dimainkan oleh perusahaan dalam ekonomi dan telah berusaha mewujudkan kemudahan-kemudahan untuk menggalak serta memodenkan sektor tersebut.